

Kubo konfirmas 786 novajn kazojn de Covid-19 plus tri forpasintojn



Havano, jan 26 (RHK) La nacia direktoro de epidemiologio de la ministerio pri publika sano, dro. Francisco Durán, raportis ĉi-marde la forpason de tri kubanoj pro la Covid-19 kaj novan rekordan nombron de 786 novaj pozitivaj post analizo de 15 544 samplaj en la tuta lando. La totalo de samplaj analizitaj ĉis hodiaŭ estas 1 808 927.

Per tiu ĉi nombro de la lastaj 24 horoj, Kubo akumulas totalon de 22 614 pozitivaj ekde la pasinta marto, kiam la kronviruso eniris la insulon. Hodiaŭ estis konfirmitaj 82 infanoj kaj du el ili estas en grava stato.

Dum la ĉiutaga gazetara konferenco, la specialisto informis ke ĉis la fino de tiu ĉi lundo, estis enhospitaligitaj 9 944 pacientoj, el ili 3 440 suspektemaj, 4 668 konfirmitaj kazoj kaj 1 839 sub epidemiologia kontrolo. Totalo de forpasintoj akumulitaj estas je 200 personoj.

Laŭ la evoluo de la malsano, la kvar provincoj kies situacio estas pli kompleksa, kaj travivas fazon de aĉtoktona transmisio loka, estas unue, la orienta provinco Guantánamo, due, Havano, la orienta provinco

Santiago de Kubo kaj la okcidenta Matanzas. Hodiaŭ 16 eksterlandanoj estis pozitivaj.

La dro. Durán, unu plian fojon atentigas pri la bezono plenumi ĉiujn regulaĵojn por eviti la daŭran kontakton kaj tre speciale, pro la alveno de vojaĵintoj, kio grandparte provokis la nunan situacion de reapero de la malsano en pluraj provincoj, kiuj dum monatoj ne raportis kazojn.

Jam rekuperiĝis entute 17 703 pacientoj kiel totalo akumulita, hieraŭ estis 669 elhospitaliĝoj, dum 16 pacientoj estas en kriza stato kaj 31 en grava stato.

<https://www.radiohc.cu/eo/noticias/nacionales/245732-kubo-konfirmas-786-novajn-kazojn-de-covid-19-plus-tri-forpasintojn>



Radio Habana Cuba